

PITANJE: Ako možete pojasniti kad se zaključuje Okvirni sporazum sa procijenjenom vrijednosti, a kada na vrijednost najpovoljnije ponude? Da li je greška da mi sami procijenimo prema predmetu nabavke, ili postoje tačno određena pravila kada se jedan, a kad drugi zaključuje?

ODGOVOR: Članom 4. stav (5) Uputstva za pripremu modela tenderske dokumentacije i ponuda („Službeni glasnik BiH“, br. 90/14, 20/15) propisano je kako slijedi:

(5) U izuzetnim slučajevima kada ugovorni organ nije u mogućnosti definisati ni tačnu ni okvirnu količinu predmeta nabavke, onda se određuje maksimalan iznos predviđen za okvirni sporazum sa popisom roba ili usluga koje će se nabavljati, ali da svi ugovori zaključeni na temelju okvirnog sporazuma zbirno ne mogu preći utvrđeni maksimalni iznos okvirnog sporazuma.

Dakle, okvirni sporazum se zaključuje na procijenjenu vrijednost nabavke samo u izuzetnim slučajevima, kada ugovorni organ nije u mogućnosti definisati ni tačnu ni okvirnu količinu predmeta nabavke (npr. nabavka usluga servisiranja, nabavka avio-karata, nabavka rezervnih dijelova, itd.); i to ugovorni organ unaprijed definiše u tenderskoj dokumentaciji da će se okvirni sporazum sklopiti na procijenjenu vrijednost nabavke kako bi svi ponuđači unaprijed znali sva pravila postupka.

Što se tiče okvirnog sporazuma na vrijednost ponude, isti se primjenjuje kada ugovorni organ može da odredi okvirne količine (npr. kod nabavke kancelarijskog materijala ugovorni organ može da procijeni maksimalne potrebne količine za stavke: hemijske olovke, spajalice, itd.), te se ponude daju na osnovu definisanih količina.

Zakonskim odredbama nisu definisana striktnija pravila kada se primjenjuje okvirni sporazum na procijenjenu vrijednost nabavke, a kada na vrijednost ponude, tako da ostaje na ugovornom organu da procijeni od slučaja do slučaja koja varijanta mu više odgovara. 2022.

KONTAKT INFO

📍 Refam Creative Solutions - REC d.o.o.
Jukićeva br. 2, 71000 Sarajevo BiH

✉ rec@rec.ba (mailto:rec@rec.ba)

☎ Telefon: +387 (0) 33 214 582, +387 (0) 33 408 778, +387 (0) 33 408 779

📱 Mobitel: +387 (0) 61 150 454

📠 Fax: +387 (0) 33 408 779, +387 (0) 33 214 582

RADNO VRIJEME

Ponedjeljak - Petak: 8:30 – 17:00 sati
Subota: Ne radimo
Nedjelja i praznici: Ne radimo

📘 (<https://www.facebook.com/Pravoifinansije/?ref=bookmarks>)

📘 (<https://www.facebook.com/RefamCreativeSolutions/?ref=bookmarks>)

📘 (<https://www.linkedin.com/in/recsarajevo>)